

【经文信息】大正藏第 21 册 No. 1333

虚空藏菩萨问七佛陀罗尼咒经 1 卷

No. 1333 [Nos. 1147, 1334]

虚空藏菩萨问七佛陀罗尼咒经

失译人名今附梁录

如是我闻。一时佛住鸡罗莎山。在山顶上诸天住处。去诸贤圣不远。与大众俱前后围绕。大比丘足满五百。又有五百诸大菩萨俱。其名曰弥勒菩萨。虚空藏菩萨。普贤菩萨。无尽华菩萨。文殊师利菩萨。与五百菩萨摩诃萨等皆一生补处。

尔时世尊观于四方。去其住处不远。观见林中有一比丘。为恶鬼所持口出种种恶言。其林中又有一比丘。露其身形而举两手。口出种种异音。或复呼天乍复唤地。尔时虚空藏菩萨摩诃萨。闻其声已承佛神力。整理衣服右膝着地。合掌向佛白佛言。世尊此二比丘。何意唱如是声。或举于两手复出恶言音。于是世尊告虚空藏菩萨摩诃萨言。此一比丘为恶病所持出是音声。又一比丘为恶鬼所持露形而走。

尔时虚空藏菩萨摩诃萨。白佛言世尊。为治众生一切病故。为除一切恶鬼障难不起故。唯愿世尊为一切众生。说陀罗尼咒。

尔时世尊现威神力。于虚空中即现六佛。时释迦牟尼佛即腾虚空依次而坐。是时大众悉皆观见七佛世尊。

尔时毘婆尸佛为一切众生故。为除一切恶鬼障难故。说大威德陀罗尼咒。而说咒曰。

南无佛陀耶 南无达摩耶 南无僧伽耶 南无毘婆尸 多他伽多耶 呵罗呵
提三藐三佛陀耶 唵 呵罗呵罗 酰利酰罗耶 南无鸡利吉罗耶 阅伽无遮
那耶 南无南摩娑波呵

尔时毘婆尸佛。告虚空藏菩萨摩訶萨言。若有善男子善女人受持此呪者。若读若诵。若复有人推觅此呪者。若乐听闻者。是人不为一切刀仗所害。不为一切水溺。不为一切苦患所持。不受一切横死。若复有人与持此呪人毒药者。其药变成美食不着于人。若复有人若饮若食。先呪作七遍然后而食。食已是诸蛊道恶口众邪。皆悉自灭不能为害。若受持是呪者。令人寿命延长。所有习诵一闻领悟终不忘失。昼夜恒见佛像。若复有人为恶鬼所打不得差者。而于此人耳边。呪之七遍实时除愈。若有人患团风白癩及以癩病。取苏曼青水香莲华茴香细辛。各以等分取胡麻油煎之。摩其患处即得除愈。一切所有病者。用此呪呪之无不获差。

尔时尸弃佛在于空中。欲为一切众生除一切病故。欲除一切恶鬼障难故。而说呪曰。

南无佛陀耶 南无达摩耶 南无僧伽耶 南无尸弃祿多陀伽多耶 阿罗诃提
三藐三佛陀 唵 波遮波遮 波遮波耶 萨婆浮多南嗔陀吉罗耶 波逻毘陀
南 娑波呵

尔时尸弃佛告虚空藏菩萨摩訶萨言。我此神呪百千那由他无数亿诸佛所说我今说之。为一切众生故。除一切病故。除一切诸恶鬼障难故。除一切恶梦故。除一切横病死故。又告虚空藏菩萨摩訶萨言。若有善男子善女人。若昼诵此呪三遍夜诵三遍。或复心念一切蛊毒。厌禱呪诅恶口赤舌。众耶魍魎皆不得近。昏夜警中恒见诸佛。所有食噉之物即自消化而充气力。其人若命终已。昏夜所见佛者皆来迎其精神恒相随逐。若复有人依此呪法作功能者。于一切病须结呪索。若有人困病时。取苏曼木取油煎之。摩其身体皆得除愈。若有众生昼夜恐怖。取净水呪之洒着四方。作呪索系其身上。一切魍魎不得其便。若有小儿被恶鬼所打。用碧縵作呪索。系着颈下即得除愈。若复有人被恶鬼所打。于耳边呪作七遍亦得除愈。随心所欲造者无不得成。

尔时毘舍浮佛在虚空中。欲为一切众生除一切病故。除一切诸恶鬼故。障难不起故。而说呪曰。

南无佛陀耶 南无达摩耶 南无僧伽耶 南无毘舍浮多他竭多耶 阿罗诃提
三藐三佛陀耶 唵 伽逻伽逻伽逻伽逻 拘楼拘楼拘楼拘楼 拘卢蹉陀喃
拘楼萨婆伽呵喃 娑波呵

尔时毘舍浮佛说此呪已。告虚空藏菩萨摩訶萨言。如此神呪贤劫千佛中过去佛已说此呪。现在佛今说。未来佛当说。又告虚空藏菩萨言。汝当受持此呪。若未来世复有众生。受持呪者若读若诵。若复有人推觅此呪。不为刀杖怖畏一切蛊毒。一切热病一切水溺。不受横死不被恶病。如是等悉得除却。唯宿殃不除耳。若有比丘比丘尼优婆塞优婆夷。晨起澡浴并洗头面。在于佛前诵此呪一百八遍。一切诸恶不加其身。一切疾病自然除愈。寿命延长一切财宝自然富足。一切身中障难不善之事皆各消除。一切怨家自然和解。一切厌禱皆不着身。澡浴诵呪因缘得如此福。若有人于嶮难怖畏之处。能忆念此呪皆得离于恐怖。若复有人鬪诤。为县官口舌。以白縲结呪索。呪之一百八遍系其右臂上。若有人眼痛者。以桔皮结呪索系其耳上。若他方有贼欲来侵境者。用酥酪蜜胡麻等分和之。在佛像前用铜鉢卷一鉢呪之一遍掷着火中至一千八遍。是诸怨贼无问远近自然退散。若复有人欲求长命者。当用酪蜜炒粳米为华。三种等分和之。在于佛前以铜鉢卷之一鉢呪之一遍掷着火中至一千八遍。然后乃止。又复有人。欲为自身及为他人。一切怖畏一切诸罪欲得除灭者欲求一切富贵财宝者。欲除身中障难令得清浄者。若复有人欲诵持此呪。一切怖畏障难悉自除灭所作成就。又复依一切呪法者。亦得成就。若有一切怨家不得其便。若有人欲作法。当须合药涂身。须茴香须稻米须那罗陀尸利沙。须沈水香尸利耶鬱金香。须香附子须因陀婆路。须菩提树木。如是等药等分和之。晨朝起净洗浴以药涂身。若复有人欲见国王大臣。须在于像前然桔木。为火用五指撮胡麻。呪之一遍掷着火中。如此一千八遍乃止。若有善男子善女人。欲得一切怨家自然和解。当净洗浴着净衣。中夜时在于佛前以香华供养。当用粳米炒以为华。取桔木然为火。以三指撮取米华。呪之一遍掷着火中。如此一千八遍然后乃止。若有善男子善女人。夜见恶梦怨家伺求其便。一切所作不得谐偶者。于十四日朝全不得食。至于日暮以香汤洗浴其身着新净衣。在于佛前诵呪。随其力分不限多少。唯尽力至之乃止。不得出其道场。仍于像前眠睡。到十五日晨朝。即起净洗釜着满中净水作汤。其汤中须取有名草木。种种随分着于汤中。漉其草出。然后着丁香紫檀白檀。磨作末。随分投着汤中。须铜瓮受五斗者二口。取香水满瓮盛之。着于像前。呪之一千八遍竟。即用此汤洗浴其身。然后乃食。若复有人被毒药者。须紫檀木寸截之如筋大作一千八段。以牛粪涂之。在于像前然火。取木一段呪之一遍。掷着火中一千八遍。然后乃止。称病人名。我为彼人除其药毒即得除愈。此呪功能说不可尽。若心中所欲作事者。依此呪法无不成就。

尔时拘楼孙佛在于空中。为一切众生除一切病故。除一切恶鬼障难故。而说呪曰。

南无佛陀耶 南无达摩耶 南无僧伽耶 南无拘楼孙 多唵伽多耶 阿罗呵
提三藐三佛陀耶 唵 伽咤伽咤伽咤伽咤 吉帝吉帝吉帝吉帝 南无萨婆多
唵伽帝毘逾 阿罗呵谛三藐三佛陀毘耶 娑波呵

尔时拘楼孙佛说此呪已。告虚空藏菩萨摩訶萨言。此呪是恒河沙同名拘楼孙佛已说。我今说之。我亦赞叹此呪不可思议无量功德。汝今至心受持。若未来世有人受持此呪者。于三宝中至心敬信者。香汤洗浴着新净衣。以香华供养佛像。在于像前胡跪合掌。诵呪一百八遍。于七百身中自知宿命。若欲生天中诸天之王。若生人中则为转轮圣王。若能日日受持。其人命终则往生无量寿国不生人中。若人昼夜读诵此呪者。所有一切横病不着其身。若欲食时先当呪之七遍。然后乃食。身中一切疾病自然除愈。若有人被一切恶鬼所打。或为恶鬼所著者。作好香汤以此呪呪之一千八遍。然后用此汤与病人洗浴。仍以此呪呪此病人一千八遍。其病即得除愈。

若复有人身生恶疮者。以镵铁刀呪此病人。又取铜针呪之。然后针此疮上即得除愈。

若复有人被一切牢狱系缚。用此呪呪其手七遍以自摩面。一切官事自然解脱。若人恒受持此呪者。一切财物自然充足无所乏少。一切障难即得消灭。若人欲求见佛者。净持房舍香泥涂地。安置佛像悬缯幡盖。香华供养。香汤浴身着净衣服。烧沈水香。在于像前胡跪面正向东。其像面向西。诵呪一千八遍。诵讫即于像前。头向东眠。于其梦中即得见佛。心里所有忆念尔时即见。或念其命长短尔时即得自知。或念其身有病无病尔时亦见。或有怨家鬪诤胜负。皆知如是等。心所念者尔时皆知。感是梦已。身中一切障难疾病。悉自消除无复遗余。

尔时拘那含牟尼佛在于空中。欲为一切众生除诸病故。除一切恶鬼障难故。而说呪曰。

南无佛陀耶 南无达摩耶 南无僧伽耶 南无伽那伽牟尼易 多唵伽多阿罗
呵提三藐三佛陀耶 唵 莎罗莎罗莎罗莎罗 私利私利私利私利 私罗波耶
陀摩陀摩陀摩陀摩 头牟头牟头牟头牟 头摩波夜南无那摩伽那伽牟尼易
多唵伽多易 阿罗呵谛三藐三佛陀耶 私田鬪 曼多罗波罗娑波呵

尔时拘那含牟尼佛告虚空藏菩萨摩訶萨言。若善男子善女人。受持此呪抄写流通者。则远一切怨家不得其便。火不能烧水不能溺。不为雷电霹雳所近。

牛酥煎之。煎竟置于像前。呪之一千八遍。涂其产门儿即易生身即平复。若天多雨不晴。取佛上华在于佛前。呪之一千八遍。出于空地烧之即得止断。若复有人为恶鬼所打。口噤不言。或为毘舍闍鬼所打。或有癖病或患湿病。取佛上华捣为末。和酒若葡萄酒及以米酒。银椀盛之在于像前。呪之一千八遍。与病人服之即得除差。一切所有事业。皆在于像前呪之一千八遍悉得成就。若欲为一切事。读诵此呪莫生疑心。

尔时释迦牟尼佛在虚空中。欲为众生除一切病故。除一切恶鬼障难故。而说呪曰。

南无佛陀耶 南无达摩耶 南无僧伽耶 南无唵迦牟尼耶 多他伽多耶 阿
罗呵提三藐三佛陀耶 怛[口*侄]咄 求弭 求弭 摩诃求弭 多丽多丽 摩
诃多丽 遮丽遮丽 摩诃遮丽 达丽达丽 摩诃达丽 帝力帝力 摩诃帝力
呵呵 吉利吉利 摩诃吉利 周漏周漏 摩诃周漏 弥利弥利 摩诃弥利
帝力帝力 摩诃帝力 头弭头弭 摩诃头弭 遮丽遮丽 摩诃遮丽 弃利弃
利 摩诃弃利 支利支利 摩摩支利 娑波呵

尔时释迦牟尼佛。告虚空藏菩萨摩诃萨言。若有善男子善女人。受持读诵昼夜忆念此呪者。其人不为一切刀杖等畏。不为一切恶病所著。不受一切横死。如前六佛所说功能。我此呪者亦复如是无有异也。

尔时无虚空藏菩萨摩诃萨。白佛言世尊。我今欲说呪者。防护七佛所说神呪故。是以复更说之。此呪能破一切罪障。而说呪曰。

南无佛陀耶 南无达摩耶 南无僧伽耶 阿迦舍竭婆耶 菩提萨多波耶 摩
诃萨多波耶 摩诃迦卢尼迦耶 多[口*侄]咄 支利支利 摩诃支利 兜漏兜
漏 摩诃兜漏 闍婆利闍婆利 摩诃闍婆利 酰利酰利 摩诃酰利 娑波呵

其呪所有功能者我今说之。若人为恶鬼所打。须结呪索呪之一千八遍。用苏曼木用酥芥子三种等分和之。在病人前用三指撮取。呪之一遍掷着火中。如此一千八遍乃止。其病即得除愈。

若复有人恐怖欲结界者。当取刀呪之一千八遍。当户安之。若人在空中结界畏诸恶鬼求便者。当取水呪之七遍用洒四方。若自身中有恐怖者。结呪索用自防身。若有人被毒药者。取古缕草。用呪病人即得除愈。若有风病者。呪香油一千八遍。涂其所病即得除愈。若有人患耳痛者。取青木香用油煎之。

持灌其耳即得除差。若人患腹痛者。取乌盐呪之一百八遍。与病人服之即得除愈。若有人患齿痛者。取苏曼水呪一百八遍。打碎用持刷牙即得除痛。若有小儿昼夜惊啼怖畏者。取白縲用结呪索。呪之一百八遍。系小儿项下即得除怖。若有人头痛者。取鍔铁刀或用手呪之一百八遍。摩于头上即得除差。若有人被他厌[示*厌]呪诅者。取鍔铁刀七日七夜。用呪病人即得除愈。若有雷电霹雳起时。用手折取石榴枝。不得除刺叶。手捉向于鸣处。呪之一百八遍即得除却。一切所欲造于事业者。读诵此呪悉用香华先供养。然后诵呪无不成就。说是经已。虚空藏菩萨摩訶萨。天龙八部一时欢喜赞叹。一心奉行。

虚空藏菩萨问七佛陀罗尼呪经

【经文信息】大正藏第 21 册 No. 1333 虚空藏菩萨问七佛陀罗尼咒经

【版本记录】CBETA 电子佛典 Rev. 1.12 (Big5), 完成日期: 2009/04/23

【编辑说明】本数据库由中华电子佛典协会 (CBETA) 依大正藏所编辑

【原始数据】萧镇国大德提供, 北美某大德提供

【其他事项】本数据库可自由免费流通, 详细内容请参阅【[中华电子佛典协会数据库版权宣告](#)】
